

جَزَائِرِ حَاكِمَتِ

جمعه ایرتسی

نومرو	جمادی الآخر	سنه	کانون ثانی	سنه	صحیفه
۵۸۴	۲۷	۱۳۰۸	۲۶	۱۳۰۶	۸۴۶۳

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می فروش)
 (حسابیه التمش غروشدیر . طشره لر ایچون اون بش غروش پوسته اجر قی ضم اولنور . بهر)
 (نسخه سی بنه مجیدیه یکر می فروش اولوق اوزره یوز باره یه هر یرده صاتیلور . درج اولنه جوق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (داتره سنده کاشن جریده محاکم اداره سنه مراجعت ایلملیدر)

معاونلکی مأموریت مشار الیها قلمی باش میزی
 عزتلو رجائی بکه

مأموریت مشار الیها دیگر معاونلکی اماسیه
 بدایت محکمه سی جزا داتره سی رئیس سابق
 حلمی بکه تقویض بیورلمشدر .

قسمت سهی

توجیهات

در سعادت استیناف محکمه سی اعضائی
 بك اوغلی بدایت محکمه سی جزا داتره سی ریاستندن
 مستعفی سعادتلو حمدی اوفندییه

محکمه تمیز باش مدعی عمومیلکی مأموریتی

(فی ۲۲ جمادی الآخر سنه ۳۰۸ وفی ۲۱)
(کانون ثانی سنه ۳۰۶ تاریخده بالجله ولایات)
(استیناف محکمه سی مدعی عمومیلرینه ومدعی)
(عمومی بولنمیان محللر مدعی عمومی معاوئلرینه)
(یازیلان تحریرات عمومی صورتیدر)

جنایتله محکوم اولوبده اکیل مدت محکومه
ایله صالیوریلان وئشان مدت محکوملرینک
اتمامیله عفوعالی به مظهر اولان اشخاص حقلرنده
ویرلش اولان اعلاماتک محکمه تمیزجه نقض
واعاده سی حالده نوجهله معامله اولنمق لازم
کله جکی بعض محللردن استفسار اولنمقده اولدیغندن
کیفیت انجمن عدلیه به لدی الحواله جنایتله محکوم
اولنر محکمه تمیزجه تدقیقات تمیزبه نتیجه حاصل
ایتمزدن مقدم مظهر عفوعالی اولدقلری تقدیرده
چونکه عفوعالی جزایی اسقاط ایده جکی جهتله
بو مثللولرک بالآخره محکمه تمیزجه اعلاملری
نقض اولنمسندن طولایی جهت جزائی ایچون
تکریر محاکمه لرینه حاجت اولیوب انجق مدعی
شخصیسی اولدینی و حقوق شخصیسه سی طلب ودعوی
ایتمکده بولندینی حالده بوکیلرک یالکز حقوق
شخصیه جهتدن اجرای محاکمه لرله بوجهتک

تحت حکمه النمسی واکمال مدت ایله صالیوریلانلرک
اعلاماتی نقض واعاده ایدلش اولور ایسه انلرک
کرک حقوق عمومی وکرک حقوق شخصیهدن
طولایی تکرار اجرای محاکمه لرلی لازمکله جکی
مثللو اله کچوریله میانلر حقلرنده دخی معامله
غیاییه اجرایی اقتضا ایده جکی درکار اولوب
انجق بو مقوله اعلاماتک محکمه تمیزدن نقضی
تطبیقات قانونیه جه خطا وقوعندن یعنی مجرمک
دها زیاده مجازاتی مستلزم بر ماده قانونیه
تطبیق معامله اولنمق لازم کلور ایکن ده خفیف
بر مادهیه تطبیق اولنمسندن ایلر وکلش اولوبده
ایکنجی دفعه اجرا اولنه جق محاکمه نتیجه سنده اشخاص
مرقومه نک اولکی مدت محکومه لرندن زیاده بر
مدتله محکومیلرلی جهته کیدلیدیکی حالده توقیفلری
لازم کلوب بویله اولدینی صورتده توقیفلری
ایجاب ایتیه جکی و بومقوله احوالده حکم اخیرک
محکمه تمیزدن نقض ویا تصدیق اولنه جکی مجهول
ایدوکی جهتله نقضی حالده محکومک حکم منقوضه
استناداً توقیف اولنمش اولماق اوزره اعلاماتک
وقت وزمانیه محکمه تمیزه ارسالی اقتضا ایده جکی
لزومی کوستلش وکیفیت هر طرفه تبلیغ و اشعار
اولندینی کبی اشبو تحریراتک نسخه مطبوعه
کافیه سی دخی لفاً طرف کوندلش اولغله

برمنوال محرر اوراجه دخی ایفای معامله
اولنمسی سیاقنده .

سرعت وتمامی ایفای اسبابنک استحصالنه دقت
اولنمسی سیاقنده شقه ترقیمنه ابتدار اولندی .

قسم غیر رسمی

(فی ۲۶ جمادی الآخر سنه ۳۰۸ وفی ۲۴)
(کانون ثانی سنه ۳۰۶ تاریخده بالجله ولایات)
(استیناف محکمه سی مدعی عمومیلرینه ومدعی)
(عمومی بولنمیان محللر مدعی عمومی معاوئلرینه)
(یازیلان تحریرات عمومی صورتیدر)

ایادی ناسده متداول مسکوکات عثمانیه نک
مقدار وقیمته نقصان کتوره جک احواله
متجاسر اولانلرک بالتحقیق ظاهره اخراجیه
حقلرنده معامله قانونیه اجرایی بوکره شرف
وارد اولان تذکره سامیه ده امر و اشعار بیورلش
وموجبجه مأمورین عدلیه طرفنندن بو بابده
مساعی مؤثره اجرا اولنمق اوزره کیفیت هر طرفه
تعمیماً بیلدیرلیدیکی کبی اشبو تحریراتک نسخ
مطبوعه کافیه سی دخی لفاً طرف شریفلرینه تسیر
اولنمش اولغله داخل مأموریت بهیله رنده بوکبی
احوال وجرایم وقوعنده مقتضیات قانونیه نک

(بیک اوچبوز الی سنه سی تموزینک اونیدنجی)
(کونی یدی قله جوارنده قازلی چشمه ده)
(قهوه جیلک ایدن خرستونک قتل اولنمسندن)
(طولایی مظنون علیه اولان محل مذکور)
(ساکنلرندن دباغ سرکرک اجرا قلنان محاکمه)
(علییه سی ضبطنامه سی صورتندن مابعد)

وخرستونک قهوه خانه سنده اوطوردیغی ائنده
سرکرک یدنده پچاق کورمدیکی و آشچی قسطی
دخی وقعه کونی دکانده مشغول ایکن برکورتلی
اولوب باقدیغنده وقوعاتی مناو ادهمک افاده سی

کجی مشاهده ایلدیکنی و بالقی قوچو دخی
یدی قلهده ساکن یکریمی بر یاشنده اولوب
وقوعاتی اصلاً کورمیدیکنی و صوجقی پاندهلی
دخی یدی قله ده ساکن یکریمی بر یاشنده
اولوب یوم مذ کورده قازلی چشمه ده بر قهوه خا-
نده اوطورور ایکن بر کورلی اولوب باقدیغنده
خرستونک اورواش اولدیکنی کورمش ایسه ده
کیمک اوردیکنی کورمیدیکنی و تونونجی مانیوس دخی
یدی قله لی قرق درت یاشنده اولوب یوم مذ-
کورده دکاننده ایکن طیشاروده بر کورلی
اواش ایسه ده باقدیغندن نه ایدوکنی کورم-
یکنی و فقط صکره دن قهوه جی خرسونک سرکز
طرفندن جرح اولدیکنی ایشدیکنی تذکار
ایلدیلر قهوه جی چراغی ابراهیمک اون قسانی
جوارنده مجهول بر محله اولدیکنی و دیگر
قهوه جی چراغی اندونک دخی ویدوس قریه سنه
کتدیکی جلبنامه لری زیرینه شرح ویرلدیکندن
وبولیس قومیسری کاظم وبولیس علی افندیلر
دخی یازیلان مذکره اوزرینه کوندرلماش
اولدقلرندن مع الحلف ضبط ایدلش اولان
افاده لری قرائت ایتدیریلرک بونلردن ابراهیمک
افاده سنک مالی وقعه کونی قهوه خانه ده ایشله
مشغول ایکن بر یسنک جان قورتاران یوقی دیو

ضبط ایتدیکی ائنده سرکز کلرک اوجاق باشنده
خرستونک یانه یواشجه صوقیلوب اولوقت
خرستونک سرعته قهوه خانه دن چیقمسی و سرکزک
دخی النده یحاق اولدیکنی حالدہ تعقیب ایتمی
اوزرینه در حال ارقه لرندن قوشمشلر ایسه ده
یتشجیه قدر مرقومان کردلرک قهوه خانه سنه
کیروب چقدقلرند اولا خرسونک اون بش
خطوه قدر یوریوب یره دوشدیکنی و اخیراً
سرکزده النده کی بجای یره اترق تسلیم اولدیکنی
ومرقوم سرکزک افاده سنی ضبط ایلدیکنده
برکون اول بیلرند و قوعبولان منازعه یه دائر
ادعاسندن واز کچمسنی خرسونک رجا ایتش
ایسه ده مرقوم قبول ایتدیکندن تلف ایتکی
بالتصور دباغخانه دن بجایغی الهرق وکوزلجه
بیلرک قهوه خانه یه کلوب خرسونک جرح
ایلدیکنی اقرار ایتدیکنی وبولیس علی افدینک
افاده سنک خلاصه سی دخی سرکز وقعه دن صکره
صماتیه مرکزینه کتورلدیکنی وقت کیفیت
مرقومدن سؤال ایتدیکنده خرسونک مدت
مدیده دنبرو قهوه ایچمیدیکنی حالدہ قرق پاره ایچون
کندوسنی کپازه ایلدیکندن دباغخانه ده کی بجایغی
کوزلجه بیلرک خرسونک قهوه خانه سنه کلوب
واولدیرمکی تصور ایدوب بر تقریب مرقومی

یارمیدیکنی وریبولور اولسه ایدی در حال جانی
الهق ایدوکنی وخرستونک کندوسنه شیطان
صقنده کورولمکله یوکیملری اولدیرمک ثواب
ایدوکنی و مرقومک ایشی بتوردکن صکره
بولیسله تسلیم اولدیکنی اعتراف ایلدیکنی بیاندن
عبارتدر افاده لری اوقونان ایشو شاهدلرک
معلوماتی مواجهه استماع ایدیلانلر اخباری
تکراردن عبارت اولغله جلبلری ضمنده تأخیر
محاکمه لزوم کوریه مدیکنی بالتذکر قرار گیر
اولدقدن صکره ایشو اخباراته قارشو نه دیه جکی
مرقوم سرکزک صورلدقده شاهد اورام ایله
التی ماه اول توتوندن طولای منازعه ایتدیکندن
وادهم دخی بر تجارت اورتاقلغندن ناشی قریدا
شک التمش لیراسنی بیوب الان ویرمدیکندن
وقسطی دخی برکون کندوسنه اکشی یمک
یردیکی جهته منازعه ایدوب مرقومه اولان
اوتوز غروش بورجی اعطا ایتدیکندن وکاظم
افندی دخی کندوسنه دیگر بر خصوصدن
طولای بغیر حق ایکی طوقاد اورمسی وکندو-
سیده ادعا ایتمی حسیله کیفیت دردست تحقیق
بولدیکندن شو حالدہ کرک بونلرک وکرک
دیگرلرینک کندوسنه بر صورتله خصوصتلی
اولوب خلاف حقیقت شهادتده بونملری ایله

قبول ایتیه جگنی سویلدی بوبایدی برافاده سی
اولوب اولدینی دخی خرسئونک زوجیه سی
الیدن سورلدقده بر استدعا اعطا ایدرک افاده
وادعای انده مندرج اولدینی اتیان ایلدی
مذکور استدعا لدی القرائه مالی سرکزک پدری
اهل ثروتدن بولندیغدن یتیملرینک نفقه لریله
حقوق شخصیه لرینک تأمین و زوجی خرسئونک
دیتک استیفاسی ضمنتده کیفیتک شرع شریفه
حواله سنک تحت قراره التمسی طلبی متضمندر
مرقوم سرکزک بیجانی دائره امانته ورود
ایتدیکی یازیلان مذکره جوابندن اکلاشیلوب
تحقیقاتک بوندن عبارت ایدوکی جانب ریاستدن
بیان اولندقده معاون مومی الیه متهم سرکزک
قهوه جی خرسئونک ایل قهوه پاره سندن طولانی
برکون اول منازعه ایدوب حاصل ایلدیکی
خصومت اوزرینه مرقوم خرسئونی اولدیرمک
تصویریه دباغخانه دن بیجانی الهرق و بیله یه رک
مرقوم خرسئونک قهوه خانه سنه کلوب جرح
ایله برابر تعقیب ایدرک دیگر قهوه خانه لرده دخی
جرح ایلدیکی ومؤخرأ مرقومک یدنده بولنان
بیجانی یره اتوب پولیسله تسلیم اولدینی وخر -
ستونک دخی اشبو اثر جرحدن متأثراً وفات
ایتدیکی شهادت واقعه و مرقومان خرسئونک

طرفینک ادعاومدافعاتنک استاعتندن واوراق
موجوده نك مطالعه وتدقیقندن صکره ایجاب
کیفیت مذاکره اولندقده هر تقدیر متهم سرکز
انکار تهمت ایتدیکیه و وکیل دخی بروجیه محرر
مدافعه ایلیمکده ایسه لرده فعل قتلک مرقوم
سرکز طرفندن ایقاع ایلدیکی قهوه خانه دروننده
اوجاق باشنده بولنان قهوه جی خرسئونک یانته

صوقیله رقی الیه فارینه دورتمسی اوزرینه
خرستونک قهوه خانه دن طیشارو قاجدینی
وسرکزک دخی تعقیب ایدرک ایکی قبولی قهوه
خانه یه کیروب چیققدلرندن صکره مرقوم
سرکزک النده بیجاق اولدینی حالده ینه خرسئونی
تعقیب ایل بوکرده اسماعیل اغانک قهوه خانه سنه
کیروب چیققدلرنده خرسئونک بقال دکانی اوکنه
محرراً دوشدیکی وسرکزک دخی النده کی بیجانی
یره اتهرق بن یاپدم بیاجغمی دیو پولیسله تسلیم
اولدینی ومؤخرأ مرقوم سرکزک افاده سنه مراجعت
اولندقده علیه اقامه ایلدیکی منازعه دعوا سندن
وازی کمسنی رجا ایتدیکی حالده قبول ایتدیکنندن
مرقوم خرسئونی جرح ایلدیکی اعتراف
ایتدیکی حقدیه شاهد اورام وادهم وقسطینک
حضور محکمه ده و ابراهیم واندون و پولیس
قومیسری کاظم و پولیس علی افسدیلرک دخی
مستنطق حضورنده مع القسم و علی الدرجات واقع
اولان شهادتی وسرکزک پولیس دائره سنده
خرستونی قتل ایتدیکنه دائر سبب ایدن اقراری
وخرستونک اشبو جرحلرندن متأثراً وفات ایتد -
یکنک باراپورت بیلدیرلمسی وکشف راپورتی
مندرجاتی ایله تحقق ایتش فقط اشبو شهادت
ایله اوراق تحقیقه و علی الخصوص سرکزک

مضبوط افاده سی مألرینه نظراً مرقوم سرکز
خرستونی رجاسنی قبول ایتامسندنناشی جرح
ایدوب اگر رجاسنی قبول ایده ایدی جرح
ایتیه جکی بدیهی بولنش اولدیغدن وشو حالده
متهم سرکزک بالتصور قاتل اولدینی طرفیه
کیدیه میوب ثابت اولان حرکتی فعل قتل بالنازعه
ایقاع ایتک درجه سنده قالدیغدن معاون مومی الیه
بوبایدی اولان ادعایله وکیل مومی الیهک بروجیه
محرر کرک شاهدلر وکرک جرحک بالمقابله
وقوعولدینی حقدیه کی مدافعه سنک ردیه مرقوم
سرکزک قاتل غیر متعمد اولمق اوزره مجرمیتنه
متفقاً قرار ویریلرک اولبایدی تنظیم وامضا اولنان
قرارنامه علناً قرائت اولندقده معاون مومی الیه
مرقوم سرکزک قانون جزانک یوزیتش دردنجی
ماده سنک فقره اولیسنه توفیقاً تعیین وکیل
مومی الیه دخی تخفیف مجازاتی طلب ایتلریله
مذاکره اولطه سنه عودت اولندی .

جهت جزاییه سی دخی مذاکره اولندقده
مرقوم سرکزک حرکتی قانون جزانک یوزیتش
دردنجی ماده سنک فقره اولیسنه موافق اولدیغنه
وفقره مذکورده دخی برکیمسه من غیر تعمد
برشخصی اتلاف ایتش ایسه اون بش سنه مدته

کورکه قونیلور دیو محرر بولندیغه مبنی مرقوم
سرکزك بوققره حکمنه توفیقاً وابتدای توقیفی
اولان اوچیوزیدی سنه سی ذی الحجه سنك اون
اوچنجی کونندن اعتباراً اون طقوزنجی ماده
قانونیه منظوقنجه بعدالتشهر اون بش سنه مدته
کورکه قونلمسنه و مدعیه شخصیه الینك استدعاسی
وجهله زوجی متوفی خرسستونك دیتله حقوق
شخصیه لرینك استیفاسیچون کیفیتك محکمه
شرعیه لزوم حواله سنه وضبط واستنطاق
واعلام خرجلری اولان جمعاً یوزاوتوز غروشك
مرقوم سرکزدن بالتحصیل عدلیه وزنه سنه تسلیم
ایتدیلمسنه اوچیوز سکیز سنه سی ربیع الاولنك
دردنجی و اوچیوز الی سنه سی تشرین اولنك
التنجی کونی اتفاق آرا ایله قرار ویرلمکله علناً
نفهیمی اجرا قلندی.

فی ۲۲ کانون ول سنه ۳۰۶

(اوچیوزیدی سنه سی ذی القعده سنك یکریمی)
(بشنجی کونی خاصکویده قلایحی باغچه سننده)
(مقتولاً نعشی بولنان طوپخانه عامره صنایع)
(ایکنجی الاینك اوچنجی اعدادیه طابورینك)
(اوچنجی بلوکی افرادندن عارفك کیفیت)
(قتلندن طولای مظلون علیه بولنان ترسانه)
(عامره عمله کاتبی اسماعیل حق بن علی نام)
(شخصك اجرا قلنان محاکمه علیه سی)
(ضبطنامه سی صورتیدر)

اوچیوزیدی سنه سی ذی القعده سنك یکریمی
بشنجی کونی خاصکویده قلایحی باغچه سننده مقتولاً
نعشی بولنان طوپخانه عامره صنایع ایکنجی
الاینك اوچنجی اعدادیه طابورینك اوچنجی
بلوکی افرادندن عارفك کیفیت قتلندن طولای
مظلون علیه بولنان ترسانه عامره عمله کاتبی
اسماعیل حق بن علی نام شخصك جنایتله اتهامه
دائر هیئت اتهامیه دن تنظیم ایدیلان فی ۲۷
اگستوس سنه ۳۰۶ تاریخی وایکیوز سکسان بر
نومرولی مضبطه ایله استیناف مدعی عمومیلکنك
فی ۱۱ ایلول سنه ۳۰۶ تاریخی ودرت بیک
بشیوز یکریمی بر نومرولی اتهامنامه سی اوراق

متفرعه سیله فی ۳ تشرین ثانی سنه ۳۰۶ تاریخنده
محکمه جنایتیه تودیع قلنمغله بالمطالع اصول محاکمات
جزائیه قانوننك ایکیوز قرق سکیزنجی وایکیوز
قرق طقوزنجی ماده لرینه توفیقاً مرقوم اسماعیل
حق تاریخ مذکورده توقیفخانه دن جلب ایله
استجواب ومدافعاتنده معاونت ایتك اوزره بر
وکیل انتخاب ایتسی تکلیف اولندقدن محکمه
زردنده بولنان دعوی وکیللرندن عزت افندی بی
انتخاب وتوکیل ایتمکله قانون مزبورك ادعای
مفسوخیت حقنده اولان ایکیوز الی برنجی
ماده سی مندرجاتی اخطار قلندیغنی مبین ابروجه
طوتیلان ضبط ورقه سی تحت امضایه الیدرلی

ادعای مفسوخیت ایچون معین اولان مدت
قانونیه منقضیه اولغله مرقومك اجرای محاکمه سی
سنه مزبوره کانون اولنك دردنجی کونه
قرارلشدی

یوم مذکورده متهم اسماعیل حق قانون
دائرهنده توقیفخانه دن کتوردیلهرک وکیلی عزت
افندی یاننده اولدینی ومدعی عمومی معاونلر -
ندن مصطفی افندی ایله مقتول عارفك والدیه سی
مدعیه شخصیه عایشه صدیقه خانم حاضر

بولندقلری حالده علناً محاکمه اجرا سنه ابتداء
ایله مرقوم استجواب اولندقدن استانه لی واون
سکیز یاشنده اولوب مقدما طوپخانه صنایع الاینده
ودردستندن اول دخی ترسانه عمله کتابتنده
استخدام ایدلمش اولدیغنی سولمکله کندوسنه
ووکیل مومی الیه قانون مزبورك ایکیوز التمش
دردنجی وایکیوز التمش بشنجی ماده لر
مدلولاتی اخطار اولندقدن صکره اتهام مضبطه سیله
اتهامنامه ضبط کاتبی عزمی بکه اوقوتدیرلدی.

ذکر اولنان مضبطه نك مالی مرقوم اسماعیل
حقینك فعل قتل مزکوره جرأتی اولسایده کی
اقرارینك قارینك وارمناق ولئون طرفلرندن
مع القسم اخبار اولنمسی ومعاینه راپورتنده
قتلک سیوری بر آلت قاطعه ایله حصوله کلدیکی
محرر اولوب مرقوم اسماعیل حقیده ایسه برهفته
مقدم سیاه قبضه لی برقا بولندیغنی رائف افندی
طرفندن خبر ویرلمسی ایله ثابت اولمش وحرکی
قانون جزانك یوزیتمش دردنجی ماده سی حکمنی
مستلزم افعال جنایتیه دن بولنمش اولدیغندن
جنایتله اتهام اولندیغنی و اتهامنامه نك مفادی دخی
مضبطه مذکوره مزایای وجهله مرقومك متهم
بولندیغنی بیان وایضا حدن عبارتدر.

اتهامنامه نك خلاصه سی جانب ریاستدن
 متهم اسماعیل حتی به تفهیم و معاون مومی الیه
 طرفندن دخی مابه الاتهامی اولان اسباب بیان
 و تشریح اولندقدن صکره مرقوم سویلتدیرلده کده
 بر جمعه کونی ساعت اوچده خانه سندن چیقوب
 پیری پاشا اسکله سنده عارفی بکلیه رک مرقوم
 ایله برلشدیکنی و اوکونی کاغد خانه یه کتمک
 ذاتاً ینلرنده مقرر ایسه ده صرف نظره ایازمه یه
 چیقمقدله لری ایکن طانیدینی امین اونباشی ایله
 احمد تصادف ایتیش اولدقلرینی و مرقوماندن
 ایرلدقدن صکره ایازمه یه کیدوب اوراده دخی
 کیسه بولنامسی جهته او تورمه رق استانبوله
 کچمک اوزره قلابچی باغچه سنه طوغری
 ایندکلی صره ده مرقومان امین چاوش و احمد
 اللرنده ریوولور و بچاق بولندینی حالدده اوکلرینه
 چیقهرق رفیق عارفه تسلط ایتیش و کندوسنی
 دخی بالتهدید فراره مجبور ایلمش اولدقلرندن
 خانه سنه قاجدیغنی بالیشان عارفک کیفیت قتلده
 مدخلدار اولدیغنی و وقوعبولان سوال اوزرینه
 دخی مرقومان امین اونباشی و احمدک تهدیدینه
 مبنی اورادن صاوشوب حکومت اخبار کیفیت
 ایتیمه رک طوغریجه خانه سنه کلش اولدیغنی افاده
 ایلدی اساس ژورنالی و مماینه راپورتی

قرائت ایتدیرلده کده بولردن ژورنال مالی وقعه
 کونی قلابچی باغچه سنده دره ایچنده مرقوم
 عارفک نقشی بولنمسی اوزرینه اجرا قلنان تحقیقات
 نتیجه سنده ترسانه عمله کاتی اسماعیل حقینک
 اوکنی مرقوم عارف ایله برلکده مقتله طوغری
 کتمش اولدیغنی خبر ویرلمکله مرقوم حتی
 دردست ایدیلرک استجواب اولندقدله اولان انکار
 کیفیت ایتیش ایسه ده مؤخرأ تحویل لسان ایله
 صنایع الایی افرادندن ایکن کوریشوب طانید-
 یغی عارف اوکونی کله جکنی وعد ایتیش اولسنه
 مبنی مرقومی پیری پاشا اسکله سنده بکلیوب
 اوراده برلشدکدن صکره قلابچی باغچه سنه
 طوغری کتمکده لری ایکن امین اونباشی ایله احمد
 مسلماً اوکلرینه چیقهرق مرقوم عارفه تسلط
 و کندوسنی تهدید ایتیش اولدقلرندن خانه سنه
 فرار ایلدیکنی سویلدیکی جهته مرقومک
 افاده سنده اسمی سبق ایدن اجددن دخی استفسار
 ماده اولندقدله ذکر اولنان جمعه کونی مرقوم
 اسماعیل حتی ساعت درت راده لرنده سرخوش
 اولدیغنی حالدده قهوه خانه یه کلوب کندوسنی
 طیشارو چاغیره رق بن سوکیلمی قما ایله صول
 مه سندن اوردم و یارهنی اچوب باقدم دیمش
 اولدیغنی بیان ایتدیکنی و راپورت مفادی دخی

علی التخمین اون طقوز یاشنده اولدیغنی کلاشیلان
 عارفک صدرینک صول طرف برنجی مسافه
 بین الاضلاعی اوزرنده اوچی سیوری بر آلت قاطعه
 ایله حصوله کلش اوچ سانتیمتر طولنده عمقی
 چوف صدره نافذ بر عدد جرح ایله صول الی
 ظهرنده وصول ساعدی اوزرنده صدمه ایله
 حاصل اولمش چند عدد صریق مشاهده اولنوب
 صدرنده کی جریحه دن سیلان دم خارجی وقوعیه
 متاثراً وفات ایتیش اولدیغنی میندر مدعیه
 شخصیه هایشه صدیقه خانم سویلتدیرلده کده
 مخدومی عارفک بر صبح خانه سندن چیقهرق
 عودت ایتما مسی اوزرینه مرقومک قتل ایدلمش
 اولدیغنی خبرامش ایسه ده قتلک صورت ایقاعندن
 معلوماتی بولنمدیغنی افاده ایلدی مدعی عمومی
 طرفندن ویریلان بوصله ده اسمیسی محرر اولوب
 دعوت واقعه اوزرینه ورود ایتیش اولان اونوز
 یاشنده میخانه جی قارنیک و یکریمی اوچ یاشنده
 قزغنجی ارمناق و یکریمی بش یاشنده بالقجی لؤن
 ایله یکریمی طقوز یاشنده کتبه دن رائف افندی
 اصولی دائره سنده تحلیف واستماع اولندقلرنده
 بولردن قارنیک وقعه کونی ساعت درت راده لرنده
 کندوسنی آرمناق ولؤن ایله برابر میخانه ده اسقامبل
 کاغدی اوینامقدله لری ایکن متهم اسماعیل حتی

بر ارنده کنج عسکر رفیق اولدیغنی حالدده بالورود
 ایکی شیشه راقی ایچدکدن صکره چیقوب
 کتدکلرینی و بر ساعت صکره مرقوم اسماعیل حتی
 بالکز اوله رق میخانه یه کلوب میخانه نك ایچنده
 طولاشمغه باشلامغه نه ایچون طولاشدیغنی مرقوم-
 مدن صوردیغنده ارقداشیمی اوردم دیه رک
 صاوشدیغنی وارمناق ایله لؤن دخی مرقوم قارنیکک
 افاده سی وجهله متهم اسماعیل حقینک ارقداشیمی
 اوردم دیدیکنی او صورتله ایتیش اولدقلرینی
 وراثت افندی دخی وقعه دن برهفته مقدم
 متهم اسماعیل حتی و انکک قهوه خانه سنه ورود
 ایدوب یدنده بولنان یلک ایله سیاه صابلی قیانی
 آینه نك اوکنه راقهرق بر مدت او تورمش ایسه ده
 صکره مذکور یلک و قیانی الوب المدیغنی کورمالمش
 اولدیغنی افاده و اخبار ایلدیلر احوال موجوده یه
 قارشو نه دیه جکی متهم اسماعیل حقینک صورلدقدله
 استماع ایدیلان شاهدلر مرقومان امین اونباشی
 و احمدک رفقاسی اولدقلری جهته افاده لرینی
 قبول ایتیمه جکنی و مرقومان احمدک بر قادینک
 خانه سنده اخفا ایتیش اولدیغنی قیانی الهرق قتل
 ایقاع ایتیش اولدیغنی بالیشان افادات سابقه سنده
 اصرار ایتیمکله تحقیقاتک بودرجه ده ایدوکی
 بیان اولندقدله معاون مومی الیه مصطفی افندی

متهم اسماعیل حقیق عارفی جرح وقتل ابتدیی
تحقیقات واقع ایله ثابت اولدیغندن مجریمته
قرار ویرلمسنی ادعا و مدافعه وکیل عزت افندی
دخی موکلی اسماعیل حقی علیهنده حاصل اولان
احوالدن باشلوجه سی میخانه جی قارنیک و سائر
طرفلرندن خبر ویریلان اقراری اولوب حالبوکه
اقرارک معتبر اولسی حضور حاکمه وقوعبو -
لمسیله مشروط اولدیغی کبی موکلی ایله عارف
یئتمده فعل قتل انتاج ایده جک بر سبب دخی
بولنمدیغی و اساس ژورنالی مائه نظراً قتلک
امین اونباشی واحد طرفلرندن ایقاع ایدلمش
اولدیغی ا کلاشمقده ایدوکنی و موکلنک یدنده
واقامتگاهنده بچاق و قما بولنامسی دخی مرقومک
لهنده استعمال ایدیله جک احوالندن اولدیغی
و موکلی مرقوم طرفندن بیان ایدلیدیکی وجهله
امین چاوشک رفیق احمدک بر قادینک خانه سینه
اخفا ایلمش اولدیغی قانی وقعه کونی الممش اولسی
جالب نظر دقت بولندیغی بیان ایله برائت ذمتنه
قرار ویرلمسنی طلب واستدعا ایتلریله ولدی السؤال
طرفینک بشقه بر دیه جکبری اولدیغی ا کلاشمقده
ختم محاکمه بیان ایدیله رک مذاکره او طه سینه
کلندی .

ثابت اوله رق منع محاکمه لرینه قرار ویرلمش و شو
حالده متهم مرقومک تأویل واقعی شایان اعتبار
اوله میه جی کبی مرقوماندن احمدک بر خانه ده اخفا
ایتمش اولدیغی قانی وقعه کونی الممش اولدیغی حقنده کی
افاده سی دخی ثم تدارک بولنمش اولسنه و عارفک
صدرنده کی جرحدن متأثراً وفات ابتدییکی
باراپورت بیلدیرلمسینه نظراً متهم اسماعیل حقیق
انکاری واهی و بوقطه لره منحصر بولنان مدافعات
دخی مردود اولوب مرقومک صنایع الای
افرادندن عارفی وقعه کونی خاصکویده پیری
باشا اسکله سنده بکلیه رک برلشوب قارنیکک
میخانه سنده عشرت ایتدکن صکره قلاچی
باغچه سی نام محله من غیر تعمد جرح وقتل ابتدییکی
تحقق ایتمکله مجریمته متفقاً قرار ویریله رک
اولابده تنظیم اولنان قرارنامه قرائت ایتدیرلده
معاون موسی الیه مصطفی افندی مرقومک قانون
جزانک یوز یتیش دردنجی ماده سنک فقره اولسنه
توفیقاً تعیین و وکیل موسی الیه دخی تخفیف
جزاسنی طلب ایتلریله مذاکره او طه سینه
عودت اولندی .

جهت جزاییه سی دخی لدی المذاکره مرقومک
حرکتی قانون جزانک یوز یتیش دردنجی ماده سنک

فقره اولسنه موافق اولدیغنه و فقره مذکورده
برکیمسه من غیر تعمد بر شخصی اتلاف ایتمش ایسه
اون بش سنه مدته کورکه قونیلور دیو محرر
بولدیغنه مبنی بو حکمه توفیقاً وابتدای توقیفی
اولان او چیوز یدی سنه سی ذی القعدة سنک یکرمی
بشنجی کونندن اعتباراً بعدالتشهر اون بش سنه
مدته کورکه قونلمسینه ضبط و اعلام واستنطاق
خرجلری اولان یوز اوتوز غروشک مرقومدن
بالتحصیل عدلیه وزنه سنه تسلیم ایتدیرلمسینه
او چیوز سکز سنه سی جمادی الاول سنک دردنجی
کونه مصادف اولان او چیوز اتی سنه سی کانون
اولنک دردنجی کونی کذلک اتفاق آرا ایله قرار
ویریله رک قانونک ارانه و تعریف ایلدیکی وجهله
تقریمی اجرا و معاملات سائر دخی ایضا قلندی .

فی ۱۴ کانون ثانی سنه ۳۰۶

(بيك اوچيوز التي سنه سي مایسنك اون)
 (اوچنجي بازار كيجه سي ساعت اوچ راده لرنده)
 (مسلح اولدقلى حالد شيله قضاسنه تابع هجز)
 (دره سنده حاجي بوغجه استاوري كهيانك)
 (اغلنه كيدوب مرقومك چوبانلري وانكل)
 (وديمتري يي باغلايهرق طاغه چيقارمش ويوز)
 (ليرافديه نجات طلب ايلمش اولدقلى ادعاسيله)
 (مظنون عليهم اولان ابراهيم وحسين چاوش)
 (ومصطفى ومحمد وسالم واستاورينك اجرا)
 (قلنان محاكمه عليه لري ضبطناسي صورتيدر)

بيك اوچيوز التي سنه سي مایسنك اون
 اوچنجي بازار كيجه سي ساعت اوچ راده لرنده
 مسلح اولدقلى حالد شيله قضاسنه تابع هجز
 دره سنده حاجي بوغجه استاوري كهيانك اغلنه
 كيدوب مرقومك چوبانلري وانكل وديمتري يي
 باغلايهرق طاغه چيقارمش ويوز ليرا فديه نجات
 طلب ايلمش اولدقلى ادعاسيله مظنون عليهم
 اولان ابراهيم وحسين چاوش ومصطفى ومحمد
 وسالم واستاورينك جنايته اتهاملرينه دائر
 هيئت اتهاميه دن تنظيم قلنان ۲۵ حزينان سنه
 ۳۰۶ تاريخلي ويوز التمش بش نومرولى مضبطه

ايلاه استيناق مدعي عموميلكنك ۲۳ تموز سنه
 ۳۰۶ تاريخلي واوچيك يكرمي التي نومرولى
 اتهامناسي اوراق مقررعه سيله ۱۳ اغستوس سنه
 ۳۰۶ تاريخنده محكمه جنايته توديع اولنمغله
 بالمطالع تفضيلاتي اولاباده طوتيلان ضبطنامه دن
 مستبان اوله جنج وجهله اصول محاكات جزائيه
 قانوننك باب ثاينسك فصل رابعنده محرر اولان
 معاملات ابتدائيه بعدالايضا متهمون مرقومون
 سنه مذكوره ايلولنك بشنجي چهارشنيه كوني
 قانون دائره سنده توقيفخانه دن كتورديلهرك
 وكيللري كرقور قلايحيان واستيان وسلامي
 واديب وقصبار وخطر اقديلر يانلرنده اولدقلى
 ومدعي عمومي معاونلرندن مصطفى افندي
 ومدعي شخصي حاجي بوغجه استاوري كهيانك
 كيفسزلكنه مبنى اوغلى خريستو وچوبان وانكل
 وديمتري حاضر بولندقلى حالد محاكمه عليه يه
 بالابتدار كندولرينه ووكيللري مومي اليهمه
 قانون مزبورك ايكوز التمش دردنجي وايكوز
 بشنجي ماده لري مدلولاتي بعدالاضطرار اتهام
 مضبطه سيله اتهامنامه ضبط كاتي جمال بكه قرائت
 ايتديرلدي

مضبطه مذكوره نك مالى مرقومونك فعل

مدعا به مجاسرتلري ابراهيم ومحمد وحسين
 چاوشك اقرار وافاده لريله تحقق ايتمش وحركت
 واقعه لري قانون جزانك التمش ايكنجي ماده سي
 علاوه سي حكمي مستلزم افعال جناييه دن بولنمش
 اولديغندن مرقومونك اولوجهله اتهاملرينه
 قرار ويرلديكني واتهامنامه نك مؤاسيدنجي
 مضبطه مذكوره مندرجاتي وجهله مرقومونك
 متهم بولنديغني بيان وايضا حدن عبارتندر

قانون مذكورك ايكوز التمش التنجي ماده سنه
 تطبيقاً اتهامنامه نك خلاصه سي مرقومونه تفهيم
 اولندقدن ومعاون مومي اليه دنجي اسباب
 اتهاملريني بيان وتشرح ايلدكدن صكره
 مرقومون سويلتديرلدكه بولنردن ابراهيم
 بومتهم سالم استاوري ايله حاجي بوغجه استاوري
 كهيانك همشيره سنك چوجني ديمتري يي طاغه
 چيقاروب مرقوم استاوريدن يوز ليرا المنى
 قرارلشديره رق كندوسنه مراجعتله تكليف
 رفاقت ايتمش ايسه ده قبول ايتديكني ونهايت
 مرقوم سالم كندوسنه بالمراجعه فعل مذكورك
 اجراسي ايجون محمد وحسين چاوش دنجي
 الدقلى يي وكندوسني دنجي رفيق ايتدكلى يي بيان
 ايتدى اوزرينه وقعه كيجه سي ساعت اوچ

راده لرنده سالمده چفته تفنك وحسين چاوشده
 چفته طبانجه وكندوسنده قلعج ومحمدده
 دنجي بچاق اولديغني حالد مرقوم سالم باشنه
 چوبان شالى صاروب يوزينه دنجي كمور سورهرك
 طوغريجه مذكور ماندره نك يانسه كتدكلى يي
 وسالم چوبان استاوري ايله كوپكلى باغليوب
 برطرفه صاقلادقدن صكره جمله سي برلكده
 ماندره يه كيروب وانكل وديمتري يي بند ايله طاغه
 چيقاردقلى يي وفرداسي سالمك ترتيب اوزرينه
 چوبان استاوري يي حاجي كهيا استاوري يه يوز
 ليرا فديه نجات ايجون كوندردكلى يي مرقوم
 اوچ ليرا كوندرمى ايسه ده اعاده ايتدكلى يي
 وبونك اوزرينه دردستلرينه كلان مأمورلرك
 تعقيب لرينه مبنى فرار ايتديكني وكرچه حين
 دردستلرنده مصطفىانك دنجي برابر اولديغني
 افاده ايتمش ايسه ده كندولريني طابوراغاسي ضرب
 ايتديكندن مصطفىا دنجي اسنادجرم ايتدكلى يي

مابعدى وار

اعلان

قضايا زوجة سي تبرقادينك ۳۰۶ نومرولى
اعلام موجبجه مصطفى اغايله عايشه خانمه ديني
اولان معلوم المقدار مبالغك تسويه سي ضمننده
يشكطاشده يكي محله ده پاياس زوقاغنده برنومرولى
بر باب خانه سي بالمزايدة اون التي بيك ايكوز
الى غروش بدل ايله طالبي عهده سينده تقرر
ايتمش اولديغندن تاريخ اعلاندن اعتباراً اوتوز بر
كون ظرفنده بدل مذكور اوزرينه يوزده بش
ضميله طالب اولنلرك بك اوغلى بدايت محكمه سي
اجرا مامور يته مراجعت ايلملرى اعلان
اولنور .

في ۲۹ كانون ثانی سنه ۳۰۶

باغجي يعقوب اغانك رفيع افندي ذمتنده
با اعلام الاجننى اولان مبالغك تأمين استيفاسي
ضمننده مديون موسى اليهك بلغورليده يالكيز
سلوى نام محله كائن برطرفي ايوه جق دره سي
و برطرفي يالكيز سلورى جاده سي و برطرفي ترنديل
خانم افنديك كوشكي و طرف رابى دنخي طريق
عام ايله محدود ارن سكز نومرولى برقطمه باغده
اوچ حصه اعتباريله ارثاً متصرف اولديغى بر
حصه سي تاريخ اعلاندن اعتباراً اون بش كون
صكره بالمزايدة فروخته مبادرت اولنه جنى اسكدار
اجرا دائره سندن اعلان اولنور .

في ۹ شباط سنه ۳۰۶